



Inatsisartuni ilaasortaq Aqqaluaq B. Egede  
Inuit Ataqtigiit

### Mittarfiit pillugit § 37 naapertorlugu apeqquteqaammut nr. 2018-109-mut akissut

Asarara Aqqaluaq B. Egede

20-06-2018  
Suliaq normu: 2018-12611  
Allagaq normu: 8061685

Inatsisartut suleriaasianni § 37 naapertorlugu apeqquteqaammik nassiussaqaqputit.  
Apeqqutitit uannut akisassanngorlugit innersuunneqarput.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Inatsisartut suleriaasianni § 37, imm. 1-imi allassimavoq, ilaasortaq paasissutissanik, pisortat suliaannut tunngasunik pissarsinissaminik kissaateqaruni tamanna Naalakkersuisunit apeqquteqaateqarnikkut pisinnaasoq. Aamma tassani allassimavoq, apeqqutit naatsumik ersarissumillu ilusiligaassasut tunngavilersuummillu ilaqartinneqassasut.

Apeqquteqaat nr. 2018-109 apeqqutip immikkoortuinik 19-inik imaqarpoq, taakkunanngalu arlallit nassuiaatinut, oqartussaaffinnut arlalinnut siaruarsimasunut aammalu akissutit arlallit najoqqutassanit tamanut ammasuniittunut tunngasuupput. Tamanna tunngavigalugu isumaqarpunga, apeqquteqaat nr. 2018-109 Inatsisartut Suleriaasianni allassimasut malillugit Naalakkersuisut apeqquteqaatinik suliaqartarnerannut maleruagassat avataanniittoq.

Taamaattumik Inatsisartut Suleriaasianni § 37, imm. 2 naapertorlugu nalunaarutigissavara, Naalakkersuisut apeqquteqaat 2018-109-mi apeqqutit akisinnaanagit isumaqarfigaat.

Tamatuma saniatigut ilisimatitsissutigineqarsinnaavoq, 2018-imi upernaakkut immikkut ittumik ataatsimiinnermi Uunga siunnersuut: Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. xx, xx. xxx 2018-imeersoq Naalakkersuisunit saqqummiunneqarmat. Inatsisissatut siunnersuut oqaaseqaatinik tamakkiisunik ilaqartinneqarpoq.

Inatsisissatut siunnersuut Aningaasaqarnermut Akileraartarnermullu Ataatsimiititaliamut suliaqartarnermullu innersuunneqarpoq. Tamanna tunngavigalugu isumaqarpunga, Inatsisartut Aningaasaqarnermut Akileraartarnermullu Ataatsimiititaliaat avaqqullugu oqallinnissaq suliaqarnissarlu naapertuutinnitsoq. Inatsisissatut siunnersuut ataatsimiititaliami suliarineqarmat, inatsisissatut siunnersuutit ataatsimiititaliamit

suliarineqarnerani tamakkiisumik paasissutissiinissaq qulakkeerniarlugu  
Naalakkersuisuniit ataatsimiititaliamut innersuussisoqarpoq.

Inussiarnersumik inuulluaqqusillunga

A handwritten signature in black ink, appearing to read 'Simon Simonsen', written over a horizontal line.

Simon Simonsen